

OKVIRNI SPORAZUM
za nabavku usluga izdavanja avionskih karata

zaključen između:

Ustavni sud Bosne i Hercegovine, Ulica Reisa Džemaludina Čauševića 6/III, Sarajevo, koji zastupa predsjednica Ustavnog suda Bosne i Hercegovine Seada Palavrić (u daljnjem tekstu: **Naručilac usluga**),

i

Ventura Travel Agency d.o.o. Travnik, ulica Donja Čaršija 1A, Travnik, kojeg zastupa direktor Semir Terzić (u daljnjem tekstu: **Davalac usluga**).

Član 1.

Predmet ovog okvirnog sporazuma je nabavka usluga izdavanja avionskih karata i organiziranja putovanja za potrebe Naručioca usluga prema definiranim uvjetima iz tenderske dokumentacije broj SU-08-864-4/24 od 29. augusta 2024. godine, prema sadržaju ponude broj 20243008-1-vta/24 od 30. avgusta 2024. godine s kojom je Davalac usluga učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Član 2.

Jedinična cijena naknade za prodaju avionskih karata (TSC) za pružanje usluga iz člana 1. ovog okvirnog sporazuma iznosi 0,01 KM bez PDV-a, odnosno 0,0117 KM s PDV-om.

Okvirni sporazum se zaključuje s procijenjenom vrijednošću u iznosu do 40.000,00 KM bez uračunatog PDV-a, odnosno 46.800,00 KM s uračunatim PDV-om.

Vrijednosti pojedinačnih narudžbi podrazumijevaju vrijednosti pojedinačnih avionskih karata, kao i vrijednosti usluge izdavanja avionskih karata za potrebe Naručioca usluga.

Naručilac usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

Obavljanje navedenih usluga iz člana 1. ovog okvirnog sporazuma će se vršiti sukcesivno u toku trajanja okvirnog sporazuma i na osnovu pojedinačnih narudžbi Naručioca usluga.

Član 3.

Okvirni sporazum zaključuje se na period od 1 (jedne) godine odnosno do iznosa procijenjene vrijednosti iz člana 2. ovog okvirnog sporazuma, a počinje s primjenom 10. oktobra 2024. godine.

Svaka od ugovornih strana može otkazati ovaj okvirni sporazum pismenim putem, uz otkazni rok od 30 (trideset) dana. Otkazni rok počinje teći prvog dana idućeg mjeseca u odnosu na mjesec u kojem je okvirni sporazum otkazan.

Član 4.

Davalac usluga se obavezuje da će usluge izdavanja avionskih karata pružati u skladu sa svojom ponudom broj 20243008-1-vta/24 od 30. avgusta 2024. godine i rezultatima održane e-aukcije, a po narudžbi Naručioca usluga. Obje strane imaju pravo otkazati rezervaciju. Najava i otkaz rezervacije vrše se pisanim putem (faksom ili e-mailom).

Davalac usluga će omogućiti kontakt i 24 sata na dan, te u dane kada se ne radi, kao i osigurati prioritet prilikom pružanja usluga, te dostaviti avionsku kartu elektronskom poštom ili na adresu Naručioca usluga bez zaračunavanja dodatnih troškova.

Davalac usluga se obavezuje da osigura alternativne rute u okviru opisa putovanja, te je dužan da Naručiocu usluga ukaže na sve moguće posljedice u slučaju otkazivanja, propuštanja, kao i izmjene leta.

Rok za isporuku avionskih karata i organiziranje službenih putovanja po pismenom zahtjevu Naručioca usluga je najkasnije tri dana prije dana putovanja.

Davalac usluga dužan je po svakom zahtjevu koji dobije od Naručioca usluga dostaviti najmanje tri opcije (različitih aviokompanija) za usluge nabavke avionskih karata i organiziranja putovanja kada je to moguće.

Član 5.

Davalac usluga je dužan na svakoj fakturi posebno iskazati cijenu avionske karte, cijenu agencijske provizije, tj. cijenu naknade (TSC) i druge uobičajene troškove ukoliko postoje. U suprotnom, faktura koja ne sadrži sve navedene podatke smatrat će se nepotpunom i neće moći biti plaćena.

Na zahtjev Naručioca usluga, Davalac usluga je dužan za izdatu kartu dostaviti cijenu aerodromske takse te kopiju kupona i izvještaja BSP (*Billing and Settlement Plan*).

Naručilac usluga se obavezuje da će, s obzirom na sistem trezorskog poslovanja institucija BiH, ispravnu fakturu proslijediti na plaćanje Ministarstvu finansija i trezora BiH najkasnije u roku od trideset (30) dana nakon korištenja usluge, odnosno realizacije leta.

Davalac usluga je saglasan da Naručiocu usluga neće zaračunavati kamate za zakašnjenje prilikom plaćanja preko Trezora BiH ako je Naručilac usluga u ugovorenom roku predao nalog za plaćanje Trezoru BiH.

Član 6.

Na odnose između ugovornih strana koji nisu uređeni ovim okvirnim sporazumom primjenjuju se odredbe zakonâ o obligacionim odnosima u Bosni i Hercegovini.

Član 7.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 8.

Ovaj okvirni sporazum je sačinjen u četiri (4) istovjetna primjerka, od kojih svaka strana zadržava po dva (2) primjerka.

Za Davaoca usluga

Semir Terzić



Broj: _____


Datum: _____

Za Naručioca usluga

Seada Palavrić

Predsjednica

Ustavnog suda Bosne i Hercegovine



Broj: SU-08-864-13/24

Datum: 3. oktobra 2024. godine